

國朝閨閣詩鈔

國朝閨閣詩鈔

第七冊

唐宋舊經樓稿

卬阜

孔璐華

經樓

白鳳樓詩鈔

湖口

楊舫

小橋

長真閣詩稿

昭文

席佩蘭

韻芬

玉簫樓詩集

仁和

孫雲鳳

碧梧

瘦吟樓詩草

長洲

金逸

纖纖

綠陰紅雨軒詩鈔

奉新

帥翰階

蘭娟

聽秋軒詩稿

句容駱綺蘭佩香

寄梅館詩鈔

山陰王倩梅卿

織雲樓詩稿

青浦廖雲錦蕊珠

貽硯齋詩稿

仁和孫蓀意茗玉

第七冊

卷一

孔夫人璐華字經樓山東曲阜縣人博士憲增  
女衍聖公慶鎔姊體仁閣大學士儀徵阮元繼  
室著有唐宋舊經樓稿

唐宋舊經樓稿

曲阜孔瑤華經樓

借居冶山弟公邸補種花樹偶成

虛庭自幽敞依依百笏寬我家湯沐宅借居聊  
盤桓堂前有古槐綠陰影團欒我亦愛花木橐  
駝種此閒新槐出檐際垂柳拂欄干紫藤雜丁  
香還倚竹數竿海棠最嬌姹桃李何攢攢雖未  
成老圃因之憶杏壇春深雨漸多日日對花看

待得三五載羣卉皆可觀出遊已十載復來住  
長安開軒惟把卷恬然心共閒

子婦錢德容來歸見其九齡 賜珮恭紀

新婦侍晨昏向我堂前步瑤瑤玉佩聲玉美寶  
光露我見問異珍殷勤向我訴聖駕幸五臺先  
君扈玉輅召見十六次奏對無錯誤解佩賜先  
君黃幄手親付可卽與爾女丹陛拜溫諭我聞  
重感恩此事乃奇遇九齡荷聖慈斯榮誠異數

廣東節署新建學海堂

主人羊城節鉞久案牘終朝不釋手餘暇偶登  
越秀峰擇得一峰闢數畝略加修築有堂臺海  
闊天空暇乍開夏木千章梅百樹登臨遙望興

悠哉紫瀾翠島搖清日雨過風生涼滿竹四面  
窗紗日影微雲樹相連滿天綠非爲閒遊設此  
堂爲傳學業課文章從今佳士多新作萬卷收  
來翰墨香主人素愛研經史欲美民風莫如此  
更助香膏催讀書嶺南他日留遺址吾家尼山  
雖最高無此海天好山水

隨祖母闕里迎 駕恭紀

蕭韶風暖淨塵沙縹緲爐煙吐絳霞鳳輦曾停



攜半袖玉音重問賜名花千章寶炬春光曉十  
里旌旗汨水斜何幸隨親同被澤皇恩優待聖  
人家

白燕

一庭飛絮掩重門玉翦雙分碎語溫吟斷小樓  
霜有色飛過深院月無痕烏衣休說三生夢金  
粉愁銷六代魂落盡梨花春寂寞主家珠箔又  
黃昏

燈花

一綫靈根頃刻栽清光已上小銀臺  
淚非有怨留春住花不聞香避月來  
玉蕊半明還半暗金枝將落又將開  
窗前應報平安字莫遣輕釵剔翠煤

憶外書寄滇南

擬入京華共舊林不期滇海久分襟  
錦囊但覺新詩少白髮還愁舊病深  
萬里江湖難放棹一

樓風雨獨停琴致君珍重無多語惟把丹心答  
帝心

第七冊

卷二

楊女史舫字小橋江西湖口縣人濟南典史運  
綜女諸生十聯姊彭澤監生汪陶鎔室著有白  
鳳樓詩鈔

白鳳樓詩鈔

湖口楊 舫小橋

晚泊荻港

帆影落沙灘夕陽在山背  
理棹投孤洲泊艘蘆花內  
蕭瑟楓林空坐愛殘霞對  
一一雁聲高點點漁火碎  
溟濛遠樹中時聞雞犬吠

新春曲

春風吹滿錦闌城處處鳥啼如一聲  
千花萬花

開紫陌一日二日陰復晴遊蜂舞蝶撲簾幙柳  
條青接鞦韆索去年春去今又來春去春來如  
有腳我正攤書坐繡幃燕子營巢鳴且飛捲簾  
欲問春多少呼得雙鬟鬪草歸

竹林庵

叢竹遙無際尋幽上翠微雲低山欲合樹老葉  
全稀坐愛青松響間看白鶴飛鐘聲猶未歇秋  
色淡斜暉

平山堂晚歸

棹轉舟移路未賒一泓秋水浸城窪  
烟橫別院題詩處帘捲殘陽賣酒家  
曲磴有苔能印屐垂楊無力不勝鴉  
樓臺廿里頻回首細草微風竹徑斜

白燕

何處瑤光化此身雙雙疑雜鷺鷗羣  
穿來柳葉深還見宿向梨花近不分  
銀翦羞裁蘇蕙錦綃

衣如弔玉京墳擲釵好憶孫家婦博得歌聲戶  
外聞

秋霽遠眺

細雨斜風送早秋憑欄閒望豁吟眸遙山帶樹  
清如洗野水連雲淡不流雙槳船過衰柳外一  
簑人立斷橋頭微涼天氣堪針線收拾蒲葵上  
小樓

春晝和弟屏山韻



桃花初放柳初齊  
悄上蒼窗竹影西  
日午茶香人意懶  
投書時聽杜鵑啼

蝴蝶詞二首

江南春好午風柔  
點綴名園景更幽  
買得桃花簪未穩  
隨風飛上玉搔頭

結伴尋香粉翅輕  
二三飛過小池亭  
莊周好夢無人喚  
睡到春殘不肯醒

淮安

白鳳樓詩鈔

庚九

潮落淮安水漫流  
峭帆初泊見三洲  
一聲長笛來何處  
頽教人思趙倚樓

紅橋竹枝詞二首

一字長橋水浪添  
沿堤楊柳綠纖纖  
龍船一霎隨橈去  
十里粧樓盡捲簾

烏油轎子碧窗紗  
行繞長廊雁字斜  
無數小鬟隨後至  
避人爭折石榴花

留別壽四妹

莫向橋邊折柳枝  
寒蟬聲裏酒盈卮  
欲知別後相思處  
多在更闌夢醒時

寄壽四妹

沉沉蓮漏到窗遲  
燈下裁詩達故知  
記得去年三月好  
憑欄攜手看花時

第七冊

卷三

席安人佩蘭字韻芬一字道華江蘇昭文縣人  
翰林院庶吉士常熟孫原湘室夫婦工詩一時  
稱羨著有長真閣詩稿

長真閣詩稿

昭文席佩蘭韻芬

曉行觀日出

曉行亂山中昏黑路難辨默坐車垂簾但覺霜  
刮面冰上滑馬蹄膽怯心驚戰前駭絕壑奔後  
慮危崖斷合眼不敢開開來無所見俄頃雲霧  
中紅光統一線初如蜀錦張漸如吳綃翦倏如  
巨靈擘復如女媧煉綺殿結乍成蜃樓高又變

五色若五味調和成一片如劍光益韜如瑤精  
欲歛精光所聚處金鏡從中現破空若有聲飛  
出還疑電火輪絳宮轉金柱天庭貫陰氛豁然  
開萬象成昭煥

夫子報罷歸詩以慰之

君不見杜陵野老詩中豪謫仙才子聲價高能  
爲騷壇千古推巨手不待制科一代名爲標夫  
子學詩杜與李不雄卽超無綺靡高唱時時破

碧雲深情渺渺如春水有時放筆悲憤聲腕下  
疑有工部鬼或逞揮毫逸興飛太白至今猶未  
死豐茲嗇彼理或然不合天才有如此今春束  
裝上長安自言如芥拾青紫飄然幾陣鯉魚風  
歸來依舊青衫耳囊中行卷錦繡堆呼燈轉讀  
紗窗底燕晉山河赴眼前春秋風月藏詩裏人  
閒試官不敢收讓與李杜爲弟子有唐重詩遺  
二公況今不以詩取士作君之詩守君學有才

長真閣詩稿

庚十三

如此足傳矣閨中雖無卓識存頗知乞憐爲可  
恥功名最足累學業當時則榮歿則已君不見  
古來聖賢貧賤起

織女嘆

秋月已如雪秋風已如鐵孤燈耿寒機有女當  
窗織廢我一宵眠看絲乍盈尺廢我兩宵眠看  
絲不成匹豈不畏龜手此心凜無逸昨日入城  
提蟹筐東隣嫁女耀豐粧綵幣百千束綺羅十



二箱龍章象服何煌煌平生不識蠶與桑歸來  
泣對機中錦知與誰人作嫁裳抽刀斷機不如  
寢又聽絡緯啼金井

白蓮

鑑爾亭亭影波中一片霜潔連根盡玉清到葉  
俱香殘月墮微白野風生嫩涼須知蓮界淨才  
好坐空王

望外逾期不歸

記得扁舟放槩遲殷勤問取早歸時忽看紅樹  
青山影已負黃花白酒期情重料非言恟恍愁  
多莫是病支離一緘手寄難憑准豈是橋頭賣  
卜知

喜外竟歸

曉窗幽夢忽然驚破例今朝雀噪晴指上正輪  
歸路日耳邊已聽入門聲縱憐面目風塵瘦猶  
覩襟懷水月清好向高堂勤慰問敢先兒女說

離情

曲阜

杏壇教育至今長禮讓雍容自一方道氣尼山  
瞻藹藹金聲泗水聽湯湯冕旒貴且臨天子巾  
幘卑難拜素王他日歸家誇弟妹也曾親到聖  
人鄉

十四夜月

最高臺閣最瓏玲齊出玻璃面面屏十里青山

長真閣詩稿

庚午

波浸透一城秋夢鶴呼醒天無表裏皆澄澈月  
在中閒是性靈萬事將圓未圓好此情說與素  
娥聽

送外入都

打疊輕裝一月遲今朝真是送行時風花有句  
憑誰賞寒暖無人要自知情重料應非久別名  
成翻恐誤歸期養親課子君休念若寄家書只  
寄詩

送姪婦謝翠霞歸寧

閨中宛似竹林遊，忽重鄉情引別愁。  
澣服暗驚慈母線，飛花隨上美人舟。  
明知去路無千里，預恐歸期過九秋。  
我亦有親常苦別，欲留卿住忍相留。

刺繡

手擘香絨一縷輕，殷勤揀取衆芳名。  
紅顏大半霜前落，不繡芙蓉繡女貞。

寄衣曲

欲製寒衣下翦難  
幾回冰淚灑霜紈  
去時寬窄  
難憑准  
夢裡尋君作樣看

送春

緗桃一樹絳雲飛  
瘦卻紅情綠轉肥  
怪底東風  
無氣力  
送春歸  
不送人歸

南歸日題上黨郡署壁二首

一回首處一淒然  
弱質曾經住兩年  
呼婢留心

雨後棠梨片片殘飛來如露溼粘闌一花一木尋常見到得離時卻耐看

十樹花開九樹空一番疎雨一番風蜘蛛也解  
留春住宛轉抽絲網落紅

夜深衣薄露華凝  
屢欲催眠恐未應  
恰有天風

解人意窗前吹滅讀書燈

以指甲贈外

摻摻指爪脆珊瑚金翦修圓露雪膚付與檀奴  
收拾好不須背癢倩麻姑



第七冊

卷四

孫女史雲鳳字碧梧浙江仁和縣人四川按察  
使嘉樂長女諸生程某室與妹雲鶴雲鸞雲鴻  
雲鵠雲鵬並工詩畫著有玉簫樓詩集湘筠館  
詩

玉簫樓詩集

仁和孫雲鳳碧梧

再遊飛雲洞

倦客欲休息驅車問靈境  
谷口採樵人指是飛雲嶺  
古洞響寒泉高峯明返景  
松濤從空來感此動清警  
昔我登此山垂髮始覆頸  
杯底吸霞光溪邊捉雲影  
當時雖無知脉脉心已領  
撫樹發長嘆歲月直俄頃  
俯仰心豁然天風磬聲冷

山行

曉從春山行殘月挂高樹鐘聲出烟林人語隔  
溪霧幽壑多奇花絕壁飛瀑布今來秋已深木  
葉雜風雨雞啼似有村雲深不辨路風景迥不  
同陰晴亦有數去去路正遙悠悠歲云暮

媚香樓歌

秦淮烟月板橋春宿粉殘脂膩水濱翠黛紅裙  
競粧裹垂楊勾惹看花人香君生小貌無雙新

築紅樓喚媚香春影亂時花弄月風簾開處燕  
歸梁盈盈十五春無主阿母偏憐小兒女弄玉  
雖居引鳳臺蕭郎未遇吹簫侶公子侯生求燕  
好輸金欲買紅兒笑桃花春水引漁人門前繫  
住游仙棹奄黨纖兒想納交纏頭故遣狡童招  
那知西子含顰拒更比東林結社高樓中剛耀  
雙星色無奈風波生頃刻易服悲離阿軟行重  
房難把臺卿匿天涯從此別情濃錦字書憑若

個通桐樹已曾棲彩鳳綉帷爭肯放游蜂因愁  
久已拋歌扇教坊忽報君王選啼眉擁髻下粧  
樓從今風月憑誰管柘枝舊譜唱當筵部曲新  
翻燕子箋總爲聖情憐覩醢桃花宮扇賜簾前  
天子不知征戰苦風前且擊催花鼓阿監潛傳  
鐵鎖開美人猶在瓊臺舞銀箭聲殘火尙溫君  
王匹馬出宮門西陵空見宮人泣南內誰招帝  
子魂最是秦淮古渡頭傷心無復媚香樓可憐

一片清溪水猶向門前鳴咽流

舟中度歲

連朝風不定守歲泊江船  
遠水落殘照孤城生暮烟  
凍雲催淑氣鄉思入新年  
杯少屠酥味村醪點客筵

常德道中

昔年游賞地今日喜重經  
籃影知漁市茶烟認草亭  
江沙連月白岸柳待春青  
不盡吟邊思征

車且暫停

征程

春來江上雁知還  
我尙驅車道路閒  
芳草極天迷客思  
白雲何處是鄉關  
地卑城郭多臨水  
縣小人家半住山  
聞說西行多石徑  
喜無塵土撲

征顏

曉行

殘月曉霜鐘馬蹄  
黃葉路日出不見人  
溪聲隔

烟樹

古意

銀燈結雙藥螭子上裙帶早起洗啼粧凝歡畫  
長黛

和隨園先生除夕告存元韻二首

嶽志河經手著成來程去路甚分明游仙却與  
游山異久束行裝不得行

歲燭搖紅照白頭修書遍寄報添籌五更擱筆



先生笑明日先寬弟子愁

出峽

兩岸啼猿厭客聞西風霜葉曉紛紛櫓聲一夜  
出巫峽十二碧峯空白雲

第七冊

卷五

金女史逸字縑縑江蘇長洲縣人吳縣諸生陳  
基室工駢體文善楷書早卒著有瘦吟樓詩草  
四卷

瘦吟樓詩草

長洲金 逸纖纖

擬柳柳州雨後曉行獨至愚溪北池

雲去楚天涼曉行愜幽獨日氣澹荷風煙光散  
喬木偶然池上來溪流爲誰綠

送竹士赴試

郎行兮妾喜郎行兮妾悲妾喜郎成名妾悲郎  
別離晴風叢桂發秋香一棹孤舟江水長妾心

遠近能隨郎

裁衣曲

秋成寒秋風薄裁衣肥瘦依稀度重重  
銅斗熨細細燈花落殷勤檢點舊啼痕  
忍留紅淚傷郎情

橫塘舟中

遠水靈巖棹人家帶夕陽晚村紅葉老  
秋寺碧雲涼小飲何辭醉清吟不礙狂  
蒼然成暮色燈

火近橫塘

秋夜懷王碧雲女史

涼意不可耐  
况兼離別情  
晚簾孤月色  
秋壁碎蟲聲  
紅淚燈前夢  
青山江上程  
何當重握手  
風雨話平生

綠爭軒晚坐

一碧梧桐院  
新涼生遠樓  
落花惟是雨  
枯樹易成秋  
茶酒拋多病  
雲山待放舟  
暮煙如有意  
縷

瘦吟樓詩草

如外另自集書

庚三十五

縷近人流

放生池

臨流安石坐小憩傍池陰水引雙泉活花埋一  
徑深鼓鐘忘世慮飛躍見禪心大士慈雲在香  
煙繞樹林

次李石桐山人夜坐原韻

何處發空響迢迢遠水聲窗虛來斷續風定去  
分明過石蘚花冷到溪鷗夢清夜闌渾不寐傾

聽道心生

靈岩秋望

終古蘇臺霸業雄  
亂峯壓樹抱吳宮  
愁來天地容身窄  
秋老湖山放眼空  
野水鳴頭疎雨綠  
晚村鴉背夕陽紅  
不須此日悲禾黍  
人在昇平圖畫中

柳花

是煙是雪總漫漫  
撲扇斜陽不定看  
晴店有香

春散影東風無力曉生寒依依慣上鞦韆索冉  
冉初迷蛺蝶團莫使高樓思婦見天涯輕薄恨  
無端

暮春偕竹士再遊塔影園

依然溪水隔林扉  
艤櫂來尋舊釣磯  
幽賞恰宜三月盡  
清狂得似兩人稀  
竹煙浮翠晴生鳴  
花雨吹紅溼濺衣  
極閣危欄閒倚望  
半天清語塔鈴微



棄婦詞和竹士

忍淚除簪珥新人贈鬢雲敢云奪愛寵妾夢總  
依君

秋詞

瑤階浸月華心怯花鈴警鴛鴦知未眠不定枯  
荷影

夏閨卽事

繡簾風影警花鈴莊蝶纔分夢亦醒一縷茶煙

人不到綠陰如水瀉空庭

蛛網

晴風吹影上檐牙豆蔻梢頭任意斜應是留春  
春不住織將羅綺網殘花

真娘墓

英雄兒女總休論荒草青青暮雨昏一一怕將  
蝴蝶數秋風恐是美人魂

舟中卽目

繡簾雙卷水窗開一葉風帆鏡裏迴天意似憐  
人寂寞青山移近畫船來

西溪舟次

西溪九曲繞煙霞矮屋疎籬半種茶何處東風  
吹笑語隔花樓閣美人家

酬朱鐵門見贈之作

已分微材老散樗藥鎗花譜意如如人間那有  
癡於我病到無聊尊讀書

曉起卽事

忍將小病累親憂爲問親安強下樓漸覺曉寒  
禁不得急將簾放再梳頭

曉起桂花下作

夢冷疎窗曉雨新鬢雲撩亂起侵晨涼階細認  
弓鞋影先我來探已有人

閨中雜詠四首

楊柳風和判曉晴雙雙鸚鵡解調情隔簾絮語

催人起春夢模糊記不明

東風二十四番寒芍藥朝來已向殘病裏繡簾  
開不得拾將殘朵當春看

當樓楊柳拂簷斜  
流雨梳風綠放芽  
草草春歸人不惜  
流鶯銜住半殘花

曉天明月白無情  
化作西窗急雨鳴  
兒有臘梅鑪有篆  
一簾香氣不分明

和韻

枯楊池館響棲鴉  
招得姮娥做一家  
綠綺攜來橫膝上  
夜涼彈醒水仙花

柘塘春步

花臥東風柳拂煙  
晚晴隨步過村前  
柘塘一夜催春雨  
新水如雲綠上天

第七冊

卷六

帥女史翰階字蘭娟江西奉新縣人潯州知府  
家相孫女州同煥女新建裘第元室著有綠陰  
紅雨軒詩鈔

綠陰紅雨軒詩鈔

奉新帥翰階蘭娟

臨高臺

我臨高臺古色萬里鴻雁不來涼意在水苑苑  
者柳嘒嘒者蟬時運回軒何爲其然我有素琴  
可以高張不諧里耳宛焉襲藏盈尊之酒以待  
黃華桐陰之缺露秀其葩欲攀姁娥倚柱問之  
果緣何道而有盈虧



雜詩二首

幼讀神仙書慨然慕修齡  
流霞沆瀣飲石室琪花明  
行則御六氣坐則吹瑤笙  
手把芙蓉花四時朝玉京  
素訣未得授丹砂空復情  
且當養靈臺會見天雞鳴

種蘭在空山灌蘭朝汲水  
露華朝泠泠蘭葉漸萋萋  
花時紛蔚茂芬馥襲簾几  
衆香一時低素馨焉足擬  
作詩以告蘭坐屢爲蘭起重  
是王者

香而在空山裏

暮春曲

衆鳥啼殘新果熟楊柳陰陰一窗綠畫屏晝掩  
生色閒新篁解籜芳池曲蛺蝶翩翩迴舞輕落  
花委地都無聲捲簾碎日覆棋局隔竹炊煙浮  
午晴山雲一片尙含青杜宇數聲啼夢醒春陽  
去擲不回顧白雪歌成心暗驚

題儀真女史汪儀秋容八幅後

園林秋老寒風裂秋花憔悴看愁絕橫展八幅  
秋容圖恍如天地迴秋節天機淡蕩真絕倫腕  
指所至疑有神花光的皦映秋水寒蟲彷彿花  
閒鳴儀真汪儀一士女能以丹青作肴俎掩卷  
太息心茫然斯人斯人在何許

觀漲

樓暗雨來疾飄風衆鳥驚須臾成澤國洄洑入  
山城蛟下波逾急雲濃電更明晚來天欲霽虹

影半空橫

采菊和三妹鳳娟

莫愁秋便老猶有耐寒花此際臨風采無言壓  
鬢斜盈筐時散馥歸路不嫌賒忽見南山好淵  
明何處家

洗竹

琅玕萬个繞庭除密處刪來見碧虛欲並羣花  
枝婀娜好招涼月影扶疎風音靜送如敲玉蠹

跡閒看似著書翠靄淡煙時自鎖幾回題鳳意  
難如

聽月廊

移燈照欄杆芙蓉葉初吐露魄猶未升花梢滴  
殘雨

縹緲樓

縹緲一飛樓上有浮雲簇雲起暗遙村漁燈小  
於粟

秋海棠二首

嬾逐東風桃李春  
秋花秋葉別傳神  
蒼苔翠石胭脂面  
露重煙微畫不真

亭院蕭蕭暑漸收  
海棠翻似不勝秋  
倩他別作幽閨賞  
任汝芙蓉江上愁

聞柝

沈沈宵柝度蘭房  
和月催烏起薄霜  
三弄角聲連曉色  
不知誰與朔風長

早涼詞

吟哦獨自繞疎林  
林外浮煙一徑深  
樹杪蟬聲正愁絕  
誰家又送搗衣砧

第七冊

卷七

駱女史綺蘭字佩香一字秋亭江蘇句容縣人  
江寧諸生龔世治室博通經籍以清節稱著有  
聽秋軒詩稿四卷



聽秋軒詩稿

句容駱綺蘭佩香

小松吟

我聞長松百丈蟠虛空影動九天聲撼風如何  
咫尺碧窗下亦有虬枝細堪把古榦青銅瘦可  
憐貞心一寸寒娟娟孤根結向磐石底春去秋  
來常爾爾屈抑干霄蔽日材短柯自爲拂塵埃  
白雲在庭不肯去遠從嵩華來相護直待寒冬

翠色深月中試聽蒼龍吟

趙忠毅公鐵如意歌

處士如處女忠臣如節婦歲寒松柏挺孤姿可  
憐不得承春露人生但願爲良臣君臣一德和  
民神譬如洛陽對門女鸞幃隨唱終其身若欲  
孤高見節義乃是我生之北辰趙公生當明末  
葉奸臣竟把王章蔑憤身一擊無奈何如意與  
心皆是鐵此如節婦遭侵陵毀容斷髮全其身

不辭淚血流成海那顧玉樹摧爲薪嗚呼趙公  
如意執在手奸雄魂魄喪如狗官職身家俱做  
帚唯有清名傳不朽

孤山謁林處士墓

先生棲隱處臨水挹清芬衣濕疑沾雨巖深但  
住雲青山留故宅芳草沒孤墳惆悵寒梅落空  
亭又夕曛

花朝前二日將歸金陵留別左晚鄉夫人

還家擬在杏花前偏是河橋細雨天春燕逢人  
如惜別秋鴻爲客又經年多君贈答能相慰嘆  
我飄零只自憐離緒歸心兩難遣征衫都被柳  
絲牽

寄懷鮑莖香夫人

羨君福慧有誰如鎮日金閨樂事餘花院養姑  
春奉酒簫燈課子夜鈔書舊傳詞翰留名久新  
起樓臺攬勝初獨我他鄉飄泊甚鏡中愁見鬢

蕭疎

答趙甌北先生

文章早歲冠蓬瀛老去懸車世事輕四海望風  
名姓大一詩中律鬼神驚從軍絕塞衝雲陣泛  
宅揚州愛月明此日龍門親謁後寒閨堪慰十  
年情

白秋海棠

寂寞古牆陰月高人未睡亦解怨秋風不肯灑

紅淚

送介亭伯父歸金陵

江柳千條掛夕陽  
片帆西去水茫茫  
孤舟今夜宿何處  
明月蘆花客夢涼

倚山樓對雪

登樓對雪嬾吟詩  
閒倚闌干有所思  
怪底世間人易老  
青山還有白頭時

咏鞋

弓鞋未審始何時  
贏得閑堦小步遲  
行到花陰深逕裏  
蒼苔滑處自支持

三月四日過雪根山館時晚鄉夫人歸寧  
見千葉桃盛開題壁一絕

寂寂園林日未斜  
一庭紅影上牕紗  
主人難免花枝笑  
如此春光不在家

女遊仙詩六首

誰懸明鏡畫樓前  
一片清光萬古圓  
不是姮娥

聽秋軒詩稿

庚三十九

拚獨處何人領袖廣寒天

瑤臺女伴笑聲譁同赴金池阿母家傳道東華  
祇從過一時相避入桃花

身輕愛著五銖衣非錦非紈識者稀偶駕赤鸞  
空裏過人間祇道彩霞飛

杏花影裏共調笙昨夜新翻一曲成怕命雙鬟  
花外立恐人偷取步虛聲

女伴桃源鎮日閑無端漁父叩仙關從今牢鎖



東流水不送飛花到世間

瓊宮帝女好年華  
學繡初飛綵線斜  
偶棄唾絨紅一點  
人間開作半年花

第七冊

卷八

王女史倩字雅三一字梅卿浙江山陰縣人永定兵備道謀文次女吳縣諸生陳基繼室工文善書著有寄梅館詩鈔

寄梅館詩鈔

山陰王 倩梅卿

論詩四首

春山如笑秋山疑  
顰宇出皆詩本乎天真靈機  
妙悟無陳非新不物於物斯能感人

良醫用藥亦攷古方名將行師亦戒陳行要其  
神妙不主故常夫唯善學鴻文聿彰

詩境甚寬詩律甚嚴十年非遲三思豈嫌如味

諫果得苦中甜不能研精空慙詹詹

句一落紙已滯于形存乎詩先靈臺熒熒鞭撻  
山岳奔走風霆素養克裕奇功斯成

紫雲硯歌

硯故藏余家紫白色蒼潤細膩非宋以  
下物也近余舅得之喜曰是足爲硯畚  
第一硯字之曰紫雲而命余作歌

修不盈尺厚二寸渾然天成朴有餘名曰紫雲

從其色是乃真得雲水腴中和孕毓亘千載涵  
濡浸潤敷華愉堅于千年青銅幹瘦于三歲嬰  
兒膚喻麋應手磨無痕積潤三口猶不枯以口  
噓硯硯有氣反射漆匣結作珠愛之傾思終日  
玩卻又不敢輕撫摩古來品硯名各著歷朝硯  
譜廣蓄儲辨眼鑒絲窮杪忽制作精巧誇垂輪  
是硯獨無名欸識將無僅等莒與邾要其光氣  
不可掩靜對能使心神舒闇然日章美在中穆

然想見君子儒庭珪之墨諸葛筆安可無此供  
清娛嗚呼安可無此供清娛只愁墨華化作雲  
采去瑤星夜半歸天都

寒夜吟

繞室徘徊久沉吟意若何聞砧知夜永見月覺  
寒多院靜無人倚天空有雁過露濃鴛瓦涇落  
葉下雲柯

新葺小齋作二首

西風颯颯動江干  
小葺軒齋好辟寒  
恰稱日華當戶照  
最宜花影隔窗看  
門通始覺經過便  
地窄全憑布置寬  
術士不煩頻指引  
心安時卽是身安

粉垣整潔掃紛華  
紙閣蘆簾處士家  
竹牖閒臨修禊帖  
瓦盆初放傲霜花  
舊移壁畫雙飛燕  
新置牕糊六扇紗  
同是眼前供點綴  
略翻新樣與偏賒

題落花雙蝶便面

點綴能生粉筆光一雙錦翅度迴塘綠蕪有意  
延春色紅雨無聲送夕陽幾度高吟懷逸興誰  
將妙繪傲滕王笑看攜入簪花手飛出還驚鬢  
影香

病起

匝月懨懨病琴書堆滿牀芭蕉能解意替做一  
窗涼



過話秋軒

玉軸牙籤七寶牀  
雕文榻子水晶光  
知君怕聽空階雨  
不種芭蕉種海棠

贈村女二首

汲水舂糧氣力微  
伴人小語自依依  
不知機上鴛鴦錦  
翦作誰家嫁女衣

清波爲鏡竹爲釵  
塵垢難將光澤埋  
說道採桑蠶事緊  
不曾製得踏青鞋

寄梅館詩鈔

如娘別館藏書

庚四十五

湖樓題壁

臨湖小閣望迢迢一瓣香因禮佛燒稽首慈雲  
休作雨阿儂生日是花朝

小住寄梅館作

別館棲遲近二旬荒園知有幾多春夢殘蝴蝶  
飛如豆小朶梅花落滿身

題倚香小影

朦朧淡月白雲攢春在南枝耐細看詩思一天

清到骨滿身香雪不知寒

第七冊

卷九

廖女史雲錦字蕊珠一字織雲號錦香居士江  
蘇青浦縣人合肥知縣景文次女華亭馬姬木  
室工畫山水兼精花卉翎毛著有仙霞閣詩草  
織雲樓詩稿

織雲樓詩稿

青浦廖雲錦蕊珠

上巳大雪偶作

佳辰紀執蘭峭寒失和煦百卉開較遲苦被愁  
霜妬雲氣低壓檐莫辨煙中樹須臾急霰集淅  
瀝紛無數慘徑補苔花因風雜柳絮瓊糝漸委  
積草木悉依附似憎桃李顏借此飾縞素曲水  
停飛觴浮橋阻晚渡不廢右軍篇重吟道蘊句

此夜山陰舟應爲訪戴去

寄贈張麗然女史

華宗舊溯鳴珂里川媚山輝闕綺靡蘭閨秀發  
清淑鍾華鬢三株看濟美就中伯氏尤擅奇嗜  
古獨得苞符理三才萬象羅錦心治經矻矻窮  
端委七十六家義蘊該神遊別契淵微旨餘才  
抽秘逞清妍詠絮風裁差足擬歷遍冰霜二十  
年郝鍾令範非虛紀緣知巾幗亦儒宗帶水迢

遙徒踵企婢我臨池筆未工悔買胭脂務末技  
側聞大雅倍仰欽見獵怦怦輒自喜何當示我  
瑤華篇薇露開緘拂淨几拋瓢願得引珠璣素  
心神往水中沚

### 雙松圖歌

畫鱗難畫龍畫樹難畫松龍乃神物善變化幾  
人曾見破壁來虛空松之視龍勢不異離奇屈  
曲難形容誰摹此圖真妙手雙松矯矯如雙龍

爪破白日擎雲雨咫尺庭陰翠萬重孫枝祖榦  
相追逐生怕茅屋搖秋風我來移挂傍几榻猛  
然驚醒午睡濃繞階而走心膽落滿庭雲氣生  
窗櫺日暮蕭齋兀愁坐夜夢已到扶桑東

秋燕

林薄霜清木葉黃江潭搖落燕飛忙涼生漢帝  
昭陽殿夢入盧家少婦堂北渚煙深迎客舫西  
風日暮掠斜陽傷心春雨香泥盡羨爾先歸到



故鄉

秋草次韻

盼來芳信總依稀惆悵王孫去不歸平野雲開  
鷹過疾曲欄香散蝶遊非一鞭殘照催征騎幾  
夜西風感授衣無限紅心銷歇盡黃昏庭院溼  
螢飛

喜高平表妹至二首

廉纖細雨餞春回靜掩重門晝不開檐際乍聞

靈鵲噪花間忽報鈿車來輕綃冉冉籠香霧微  
步盈盈破綠苔別夢重圓在今日殷勤許我下  
蓬萊

爾我襟期喜共知笑言頻到漏殘時  
開匳曾看將完繡翦燭間敲未定詩  
金鴨灰深香篆細晶簾風定落花遲  
旣來又恐輕言別月底燈前繫  
夢思

河母費孺人貞孝詩

烏欄未遂百年盟  
古易偏逢利女貞  
破屋總帷焚紙夜  
小窗燈火課書聲  
續成夫壻生前志  
爭得鄉閭死後名  
巾幗叢中真砥柱  
冰心羨爾玉壺清

壽隨園師八秩

白鷗浩蕩退閒時  
一舸江湖樂不支  
潘令花枝陶令酒  
廬陵文字少陵詩  
茫茫四海元音在  
落落千秋作者知  
大雅門牆成就廣  
手栽桃李幾

多枝

梅花

誰人爲築避風臺倩影能教頃刻開  
賺出繡簾諸女伴弓鞋恐露立春苔

第七冊

卷十

孫恭人孫意字秀芬一字若玉浙江仁和縣人  
震元女訓導蕭山高第室舉人丙曦湖南鹽道  
枚之母著有貽硯齋詩稿

貽硯齋詩稿

仁和孫蓀意苔玉

仙巖洞遇雨而歸

日輪忽倒行驚雷般山底雲從洞裏生頃刻迷  
尺咫心愁萬青松一一化龍起坐令攬此峰飛  
入蒼冥裏火急催登舟篷背雨聲駛回頭不見  
山模糊但雲水

所愛貓爲穎樓逐去作詩戲之

狸奴雖小畜首載自三禮祭與八蜡迎聖人所  
不廢而况愛者多難以屈指計立塚標霜眉哦  
詩稱粉鼻黃荃工寫生昌黎曾作記五德詭見  
嘲十玩圖斯繪黃金鑄像償沈香斲棺瘞乃知  
愛貓心無貴賤鉅細余亦坐此癖張搏絕相似  
貯之綠紗帷呼以烏圓字箬裏紅鹽鴨柳穿白  
小飼時時繞膝鳴夜夜壓衾睡著書盈簡編頗  
自矜奇祕

余著銜蟬  
小錄八卷

神駿支公憐籠鷲右軍嗜

所愛雖不同玩物寧喪志檀郎獨胡爲似疾義  
府媚一旦觸其怒束縛遽捐棄據座噉牛心雖  
然名士氣當門鋤蘭草頗傷美人意知君味禪  
悅此舉非無謂吞却死貓頭悟徹無上義

錢塘懷古

古杭形勢稱雄界左右江湖作襟帶我來弔古  
發長嘯舞榭歌樓陳跡在緬昔錢王乘王氣八  
州保障民生倚西湖之水不肯填願作開門節



度使一朝點檢騰風雲四方納貢皆稱臣是時  
錢塘歸附早底須振旅煩曹彬如何瞬息紅羊  
換絕域兵戈窮廟算蒼黃泥馬渡江來故國山  
河棄天畔再延國祚百餘年占得臨安半壁天  
黍離莫灑孤臣淚回首樊樓只黯然偏安遂爾  
成南渡此事由來亦天數居民爭望小朝廷汴  
水蒼茫渺何處北地悲笳夜月哀西湖歌管春  
風來但得和我長計在君臣行樂莫相催卽今

故殿埋蓬葆鳳凰山上無人到  
荆榛寂寞銅駝悲蘿薜荒涼山  
鬼弔惟有梳妝臺畔池春來長  
遍胭脂草

孝烈將軍歌

挾弓刀跨鞍馬宛宛去邊城  
妾是從征者昨夜可汗來徵兵  
戶有三丁抽一丁阿爺年衰小  
弟弱妾替爺征死亦樂戎裝結  
束慷慨行萬里馳驅入沙漠黃  
河東去黑水西愁雲慘慘陰山  
低

故鄉一片深閨月夜夜沙場照鐵衣狡兔雌雄  
那可辨火伴同行空習見不畫蛾眉十二年歸  
來依舊芙蓉面吁嗟乎英雄何必皆男兒鬚眉  
紛紛徒爾爲君不見孝烈雙兼古莫比乃在區  
區一女子

夕陽

閃閃翻鴉背遙天一綫留鐘聲孤寺暝帆影半  
江秋流水杳然去亂山相向愁雖憐無限好行

客莫夷猶

冷泉亭

孤亭接翠微，徙倚澹忘歸。  
觸石水如怒，破空山欲飛。  
僧閒鐘梵寂，日薄樹陰肥。  
不覺輕雲過，清寒入袷衣。

秋夜

雨過虛堂睡未成，挑燈閒坐夜淒清。  
草閒蛩語林間葉，底事秋來盡不平。

聽鶯

空庭過雨曉煙新  
恰恰鶯啼楊柳春  
好語如簧須自惜  
世閒識曲已無人